



Na osnovu člana 3.8. st. (1), (4) i (5) Izbornog zakona Bosne i Hercegovine („Službeni glasnik BiH“, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 57. Statuta Općine Ilijaš („Službene novine Kantona Sarajevo“, br. 20/09 - Prečišćeni tekst i 46/18), odredbi Poglavlja 3. Pravilnika o upotrebi i izradi izvoda iz Centralnog biračkog spiska („Službeni glasnik BiH“, broj: 27/22) i člana 9. Odluke o organizaciji Jedinog općinskog organa uprave Općine Ilijaš, Općinski načelnik d o n o s i

ODLUKU
o uspostavljanju Centra za birački spisak
Općine Ilijaš

I

Ovom Odlukom uspostavlja se Centar za birački spisak Općine Ilijaš, te utvrđuje unutrašnja organizacija i sistematizacija, način rukovođenja, ovlaštenja, odgovornost za rad, zaposleni i ostala pitanja bitna za rad Centra.

II

Centar za birački spisak Općine Ilijaš (u daljem tekstu: Centar) funkcioniра u okviru Službe za poslove Općinskog vijeća i Općinskog načelnika Općine Ilijaš.

Centar je uspostavljen u prostoriji koja je opremljena pored ostalog, i jednim računarom koji se koristi za potrebe Centra, telefonskom linijom sa direktnim izlazom, te Internet - konekcijom i aplikacijom za vođenje Centra.

Prostor Centra lociran je u Ilijašu, ulica 126 Ilijaške brigade broj 6., zgradi Općine Ilijaš na III spratu.

III

Pored obuke zaposlenih u Centru koju vrši Općinski načelnik, odnosno nadležni općinski organ Općine Ilijaš u saradnji sa Općinskom izbornom komisijom Ilijaš (u daljem tekstu: OIK), obuku zaposlenih vrši i Centralna izborna komisija BiH, u saradnji sa OIK, u slučaju posebnih specijalističkih obuka koje su utvrđene u Planu i programu edukacije članova organa za provedbu izbora Centralne izborne komisije BiH.

IV

Radom Centra rukovodi, po ovlaštenju Općinskog načelnika, Pomoćnik načelnika Službe Općinskog vijeća i Općinskog načelnika, a administrativno – tehničke poslove obavlja Viši referent za administrativno tehničke poslove Općinskog vijeća uz povremeno i po potrebi angažovanje i drugih zaposlenika, kao i vanjskih članova po ovlaštenju Općinskog načelnika Općine Ilijaš.

V

Nadležnosti Centra određene su u članu 3.8. stav (3) tačka f) Izbornog zakona BiH i s tim u vezi Centar:

- a) vodi evidenciju o svim naseljenim mjestima i nazivima svih ulica na teritoriji općine Ilijaš i o svim promjenama obavještava OIK;
- b) učestvuje u realizaciji izlaganja izvoda iz privremenog Centralnog biračkog spiska;
- c) pruža tehničku pomoć OIK prilikom imenovanja biračkih odbora (pomoć pri žrijebanju, kod izrade akata o imenovanju, obuke biračkih odbora i slično);
- d) pruža tehničku pomoć OIK prilikom provjere i pripreme biračkih mjesta za izbore,
- e) pruža tehničku pomoć OIK u kampanji obavještavanja birača o svim segmentima u vezi s izbornim procesom;
- f) raseljenom licu koje je podnijelo zahtjev za promjenu biračke opcije izdaje potvrdu o prijemu zahtjeva,
- g) državljaninu BiH koji ima biračko pravo, a ne nalazi se u zaključenom izvodu iz Centralnog biračkog spiska, po podnesenom zahtjevu Centru koji će mu nakon provjere, izdati potvrdu ovjerenu pečatom OIK i uputiti ga da glasa na biračkom mjestu određenom za glasanje nepotvrđenim-kovetiranim glasačkim listićima;
- h) po potrebi pruža tehničku pomoć OIK prilikom objedinjavanja izbornih rezultata na nivou osnovne izborne jedinice i po nalogu OIK dostavlja Centralnoj izbornoj komisiji BiH rezultate sa svih redovnih biračkih mjesta u elektronskoj verziji, urađenoj u računarskom programu dobijenom od Centralne izborne komisije BiH, za sve nivoe i sve kategorije (po političkim subjektima i kandidatima unutar političkih subjekata).

Centar podnosi sedmični izvještaj Centralnoj izbornoj komisiji BiH, putem OIK.

Izvještaj treba da sadrži podatke o svim izmjenama koje su izvršene u Centralnom biračkom spisku za izvještajni period (ime, prezime, JMB, datum i vrsta izmjene koja je izvršena).

VI

Općinski načelnik je odgovoran za rad Centra.

Zaposleni u Centru su odgovorni za vođenje službenih evidencija, te tačnost i ažuriranje svih podataka koje vodi/e i osigurava/ju Centar, kao i za druge poslove iz

nadležnosti Centra utvrđene Izbornim zakonom BiH i Pravilnikom o upotrebi i izradi izvoda iz Centralnog biračkog spiska.

OIK nakon kontrole, ukoliko utvrdi nepravilnosti, pokrenut će postupak po službenoj dužnosti protiv zaposlenog/ih u Centru koji krši/e prava birača ili političkog subjekta, u skladu sa članom 6.2. stav (2) Izbornog zakona BiH i odredbama Pravilnika o upotrebi i izradi izvoda iz Centralnog biračkog spiska.

VII

Radno vrijeme Centra jednako je radnom vremenu Jedinственog općinskog organa uprave Općine Ilijaš.

Centar je obavezan na pogodan način obavijestiti birače o radnom vremenu Centra.

Ako se u određenom periodu poveća obim posla, Općinski načelnik samostalno ili na prijedlog OIK, može naložiti da Centar radi i duže od redovnog radnog vremena, kao i da radi u neradne dane, u smjenama i sa više izvršilaca.

Naknade za povremeno angažovanje iz prethodnog stava za uposlenike Jedinственog općinskog organa uprave Općine Ilijaš, kao i za vanjske članove, utvrditi i isplatiti će shodno važećim zakonskim propisima.

VIII

Danom stupanja na snagu ove Odluke prestaje da važi Odluka o uspostavljanju Centra za birački spisak, broj: 01-II-02-1452/06 od 09.06.2006. godine.

IX

Ova Odluka stupa na snagu danom donošenja.

Broj: 01/2-02-778 /23
Ilijaš, 23.03.2023.godine



OPĆINSKI NAČELNIK

Akif Fazlić, dipl. ecc.

Ul. 126. Ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
e-mail: info@ilijas.ba
Broj certifikata: HROO8740

